



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXIII.**

17. Novembris. 15. Cal. Decemb.

**urn:nbn:de:hbz:466:1-45314**

394 ANNI CISTERCIENS.  
& victorem deduxit ad triumphum.  
Dubitari potest, an periculosa saluti no-  
stræ hostis incumbat malignus demon, an  
quæ latet in sinu nostro infrenis concupis-  
centia. Tu in periculis pugnae utriusque  
mihi assiste, certius vincam, si non solus  
certabo.

S. BERNARDUS, ser. 5. de XL.

Hostem nostrum  
in sinu  
circū-  
feri-  
mus. *Ipsi, ut manifestum est, gestamus la-  
queum nostrum, ubique proprium cir-  
cumferimus inimicum: carnem hanc  
loquor de peccato natam, in peccato  
nutritam, corruptam nimis ipsa origi-  
ne, sed multo magis prava consuetudi-  
ne vitiatam. Verumtamen in nobis  
est, si vinci nolumus: & nemo no-  
strum in hoc certamine dejicitur in-  
vitus.*



17. Novembris. 15. Cal. Decemb.

Obijt  
anno  
1182.

**B.** GARIMUNDE: primùm Pon-  
tigniacensium, deinde exigentibus  
meritis electus Altisiodorensis Eccle-  
siæ Antistes. Sed posterioris promo-  
tionis gloriam turbavit æmulorum  
ambitio. Cum quibus ne disceptare  
cogereris Romam properasti, à Chri-  
sti Vica-

sti Vicario facultatem cedendi peti-  
tus Litem tamen antè mors diremit,  
quæ in itinere illo priùs quàm Romam  
videres tibi pro temporali sede sedem  
cœlestem assignavit. *Quoties ita nobis-  
cum ludii ille mortalium terror! dum nu-  
meramus futuros vitæ longioris annos, il-  
le vix tot nobis relinquit momenta, ludi-  
mus tamen, & jocamur, quasi verò jocus  
sit immensa illa eternitas.*

B. EDMUNDE Monache Claræ. *Floruit*  
vallis: qui cum vitæ tuæ ratione con-<sup>anno</sup>  
ferens illud Servatoris monitum, ar-<sup>1170.</sup>  
ctam esse ad cœlos viam, deprehendi-  
sti, te inter Canonicos Regulares, la-  
xius tunc degentes, haud parum à recta  
via deflectere: aliam ergò in Clara-  
valle quæsisisti. Sed maligni fraudibus  
circumventus, damnato tam incle-  
menti rigore, ad pristinam mollitudi-  
nem redire decreveras, nisi clausis per  
quietem oculis te toto cœlo aberrare *Confir-*  
spectâsses. Videras in amplissimo illo *matur*  
siderum teatro spatiosissimum simul *per vi-*  
ac amænissimum occupare locum Ci-<sup>sum in</sup>  
stercienses Monachos, è quorum me-<sup>proposi-</sup>  
dio solis instar fulgebat BERNAR-  
DUS: quibus cùm te avidè sociare  
percuperes, gressum impediabant  
compedes: sed statim soluti, postquam  
constanter cum iis in cœnobio perse-

Rr 6 verandi

396 ANNI CISTERCIENS.  
verandi propositum renovâsti. Varijs  
hamis instructus est piscator ille nequissi-  
mus, quos plerumque obtegere solet com-  
moditatibus corporis, atque ita miserè se-  
ductos in socordiam ac ultimam pernici-  
em præcipitare. Tu me doce has illius sal-  
lacias pervigili diligentia vitare.

S. BERRARDUS, ser. I. in Pasch.

A luctu transi-  
tur ad  
gaudiū. Vos ergo, charissimi, ita in novitate vi-  
tæ ambuletis, ut à seculari latitia &  
consolatione mundi per compunctio-  
nem & tristitiam, quæ secundum De-  
um est, ad devotionem sanctam, &  
spiritualem vos transire gaudeatis  
exultationem.



18. Novembris. 14. Cal. Decemb.

Floruit  
anno  
1150.

B. RICHARDE, monasterii Fonta-  
nensis Abbas in Anglia, nobilis  
propago nobilissimi Parentis BER-  
NARDI: cujus è disciplina prodiens,  
stylo, eloquentia, & prodigijs penè  
Magistrum æquavisti. Innumera intu-  
eor virtutum exempla in sanctissimo Pa-  
rente Bernardo: tu ejus studiosissimè amu-  
lator me excita, ut saltem unam ex ijs co-  
ner imitari.

B. ANIANE Converse Eberbacen-  
sis: qui